





KINUWAQA
WAÑUSQAP
MIKHUNAN




Jatun mamaypaq yuyayninman...


**kay qillqaqa jatun mamaypaq Ilaqtanmanta willay. Chay
Corata aylluqa Capinota Ilaqtapi tarikun. qhichwachikta
kallpachanallapuni, jatun tatakunap jantun mamakunaq
willaykunasninta ama chinkachinachu. wawakunaman
sipaskunaman waynakunaman wiñaypaq riqsichinachik.**

**Qillqaq: Eva Colque Guzman
Willaq: jatun mamay María Challapa Santos
Siq'iq: Jheicot D. Calizaya Colque**

Juk sipaswan juk waynawan waq ayllusniyuq munakunku, chanta ayqikapunku.



Ransiska juk k'acha sipas, Uwijiria ayllumnanta uwijasninta michispa Martin waynata Igrani llaqtayuqta riqsin, Iskayninku anchatapuni munanakunku, paykunataq sapa p'unchaw tarinakunankuta parlanku, ujijasta kawrasta ima michispa. Yachachkaspa mana khuska kanankuta, imaraykuchus ayllusninkupiqa mana waq ayllusmanta parijata tariyta atinkuchu.




Juk p'unchaw Martinqa kallpachakuspa papasusninta parlarin, Ransiskap makinta mañaqamunankupaq tatasninmanta chay Ovejeria ayllupi, ichapis mana Martinpaq tatasnin munankuchu imaraykuchus paykunaqa chay sipasta mana wawankupaqchu ñinku,



waq ayllumanta kasqanrayku, waq kawsayniyuq ñispa. Martinpaq tatasnin mana munankuchu, ñitaq asiptankuchu wawanpaq ñañakusqantaqa.

Martin Ransiskawan tinkuq llusqin, pimanchus waylluspa ñin Ransisqa ancha phutiypi, ripunanta jamut'arin manaqa Martinqa jukta ñirin : ayqikapunankuta, mana ayllusninkupi asiptankuchu. Mana tatasnin munasqankuta waq ayllumanta kasqanrayku.




waq aylluman ayqikapusunchik mana riqsisqawasqanchikman, chaypi, khuska kayta atisunchik manataq pipis t'aqayta atiwasunchu. Anchatapuni munakuyki.


Tatasninchikri? Ayqisqanchikta yachaspaqa wask'arwasunchik, ñuqapis anchatapuni, qamwanpuni wiñaypaq kayta munani.



Kunan sukhayaypi ripusunchik, uwijast'a wich'ayuytawan p'achaykunata juqhariytawan inti yaykuchkaptin, urqupi tinkunchik, laqhayaykuptin




Ñuqapis kikillantataq ruwasaq, uwijasta wichk'ayuytawan p'achayta juqharimusaq mana anchachu. Chaypi suyasqayki.




Iskayninku uwijasta michisqankumanta kutisqanku, parasqankuta ruwasqanku.

Ransiskaqa ñawpaqta khuskan urquman chayasqa, maypichus munasqanwan tinkunankupi.



Martinqa karu qhipata chay kitiman chayasqa : kaypiña kani ñisqa, kunanqa juk kitita mask'arisunchik puñunanchikpaq ñisqa Ransiskata

Q'ayantintaq juk t'uquta urqupi mask'arinku, Martinpaq ayllunpaq qayllapi yaku, K'ita misk'i puquykuna chay kitipi kasqanrayku. Iskayninku mana phata qullqiyuq karqanku.



Tatanku mamanku Martinpaqtawan Ransiskaqtawan sapa juk ayllunkupi wawasninkuta ancha phutisqa mask'asqanku, mana tarispataq . Ransisqaq tatanqa Martinpaq ayllunman juraq'asqa wawayta kutichiuwaychik ñispa. Chaypitaq iskaynin ayllu jatun ch'aqwapi yaykusqanku aswantataq karunchakusqanku.





Q'ayantintaq Martinpaq mamaman puquykunata jallch'anan wasiman yaykuspa, wawanta wañusqata tarin, mancharisqataq qhaparin.



Tatantaq wawanta suwawan pantachikuspa wañurpachisqanta kuentata qukun. Iskayinkutaq achatapuni waqasqanku.

imachus jaqaypi pasan? Imaraykutaq yana p'achayuq runa kachkanku? , maypichus Martin kachkan?



Ransiskaqa patapata urqumanta Martinpaq wasinta qhawamun, ancha phutisqa



Laqhataña Martin Ransiskawan kutin, kinuwamanta p'isqi mikhunata apaspa, yana p'achawan p'achallisqa yuraq pañuwilowan uman watasqa, Ransiskataq llarqhaymanta wañusqa utqay utqayllata misk'irarichikuspa mikhun : tapurintaq

Martin , pampata qhawaspallapuni parlaq

- Imataq wasiykipi pasarqa? Achkha runata yanamanta p'achallisqata rikukurqa?


aaari, juk wisinuy wañupusqa, wasiypitaq wilakuta ruwanku



Iskayninku uwija qara patapu puñunku, Ransiskataq Martinpaq umanta llamkhaykuspa tapun.

Imaptintaq yuraq pañuyloyuq umaykipi kanki? Jurqhukuy!

Umay nanawan chayrayku watakuni.



Martinta ilapachata qhawan juk ayaman riqch'akupta, manchhachikuntaq, q'ayantintaq manaraq charpu charputa Mana Martinta tarinchu, chaypitaq Martinpaq wasinman mask'aq juraq'an.



Ransiska utqayllata Martinpaq wasinman t'ijun, Martinpaq mamanta waqachkapta tarin, Martinmanta tapurin



Mamataq kutichin .. wawan wañusqa kachkan, tatan suwawan pantachikuspa wañuchisqanta, ikay p'unchawña p'anqakusqanta



Piwantaq parlarqaniri? ,
kinuwata mikhurqani?
Ch'isi puñurqani imari? ,
Martin wañusqa kachkan
chayri!
Waqaspa ancha phutiypi
qhipakun.